

ISPRAVKE**VLADA KANTONA SARAJEVO****ISPRAVKA****TEHNIČKIH GREŠAKA U KOLEKTIVNOM UGOVORU
ZA DJELATNOST KULTURE U KANTONU SARAJEVO**

U Kolektivnom ugovoru za djelatnost kulture u Kantonu Sarajevo ("Službene novine Kantona Sarajevo", broj 52/19) ispravljaju se gramatičke i tehničke greške i to:

- U članu 59., u tabelarnom dijelu, u koloni "POSLOVI":
 - R/b 11., treba da stoji: "Viši muzejski pedagog" i "Viši muzejski konzervator/restorator"
 - R/b 15., brišu se riječi: "Arhivski tehničar I vrste/" i "Samostalni referent u javnim ustanovama kulture",
 - R/b 16., na kraju treba da stoji: "Samostalni referent u javnim ustanovama kulture",
 - R/b 17., brišu se riječi: "Arhivski tehničar II", a treba da stoji: "Viši preparator za tekstil",
 - R/b 18., brišu se riječi: "II vrste", a treba da stoji: "Tumač na izložbi - Vodič",
 - R/b 21., brišu se riječi: "Arhivski tehničar",
 - R/b 23., iza riječi: "Garderobier I", treba da stoji riječ: "Stolar",
 - R/b 24., iza riječi: "Arhivski manipulant", treba da stoji: "Muzejski manipulant",
 - U članu 59., R/b 25., u koloni: "Platni razred", umjesto broja "XXVI", treba da stoji: "XXV".
 - U članu 145. stav (2) alineja h), umjesto riječi: "škole", treba da stoji riječ: "ustanove".
- Ova ispravka objavit će se u "Službenim novinama Kantona Sarajevo".

Broj 05-2-234-1/20
30. januara 2020. godine
Sarajevo

Broj 02-30-2405/20
30. januara 2020. godine
Sarajevo

Za Sindikat srednjeg i visokog
obrazovanja,
odgoja, nauke i kulture BiH
Kantonalni odbor
Kantona Sarajevo
Predsjednik
Faruk Bešlić, s. r.

Za Vladu Kantona Sarajevo
Premijer
Edin Forto, s. r.

**OPĆINA NOVO SARAJEVO
Općinski načelnik**

Po izvršenom savjetovanju teksta objavljenog Budžeta Općine Novo Sarajevo za 2020. godinu ("Službene novine Kantona Sarajevo", broj 2/20) sa izvornim tekstom, utvrđeno je da sadrži jednu (1) tehničku grešku, te se shodno odredbama člana 165. Poslovnika Općinskog vijeća Novo Sarajevo ("Službene novine Kantona Sarajevo", br. 24/19 - Novi prečišćeni tekst), daje sljedeća

ISPRAVKA

1. U članu 3. Budžeta Općine Novo Sarajevo za 2020. godinu ("Službene novine Kantona Sarajevo", broj 2/20) od 23.01.2020. godine, strana 154, u tabelarnom dijelu budžetski programi - 3. PROGRAMI SOCIJALNE POTPORE - konto 614100; koji glasi "Grant za Centar Vladimir Nazor - za užine", ispraviti sa:

"Grant za Centar Vladimir Nazor i Školu za srednje stručno obrazovanje i radno osposobljavanje - za užine".

2. Ovu ispravku objaviti u "Službenim novinama Kantona Sarajevo".

Broj 02OV-11-895/20
03. februara 2020. godine
Sarajevo

Po ovlaštenju općinskog
načelnika
Pomoćnik općinskog
načelnika
Arijana Talović, s. r.

SLUŽBENE OBJAVE**UDRUŽENJA/FONDACIJE**

Ministarstvo pravde i uprave Kantona Sarajevo, rješavajući po zahtjevu Udruženja "Plivački klub Marlin", na osnovu člana 33. stav 2. Zakona o udruženjima i fondacijama ("Službene novine Federacije BiH", broj 45/02), donosi

RJEŠENJE

Prestaje sa radom Udruženje "Plivački klub Marlin", sa sjedištem u ulici Vladimira Perića Valtera br. 11, u Sarajevu, upisano u Registar koji se vodi kod Ministarstva pravde i uprave Kantona Sarajevo, rješenjem broj 03-03-05-9254/16 od 29.08.2016. godine, pod registarskim brojem 2173. knjiga V Registra udruženja.

Broj 03-03-04-286/20
04. februara 2020. godine
Sarajevo

Ministrica
Lejla Brčić, s. r.
(O-141/20-K)

**POSTAVLJENJE PRIVREMENOG
ZASTUPNIKA**

Općinski sud u Sarajevu objavljuje

OGLAS

Općinski sud u Sarajevu, sudija Adi Isaković, u pravnoj stvari tužitelja Suton rođ. Ždralo Živane i Suton Miroslava, oboje s prebivalištem u SAD, 8570 Evernia CT Unit 101, Estero, 34135-1864 Florida, koje zastupaju punomoćnici Alija Galijatović i Mirza Pecikoza, advokati iz Sarajeva, protiv tuženog Suton Branimira s posljednjom poznatom adresom u Sarajevu, ulica Pijačna broj 72 i boravištem u SAD, 3309 Trapers CV Trl.- Apt. 3, Lansing, 48910 Michigan.

Postavlja se tuženom Suton (Grge) Branimiru privremeni zastupnik - Dragan Kramar, advokat iz Sarajeva, na temelju odredbe člana 296. stav 1. točka 5. ZPP, jer se tuženi nalazi u inozemstvu, dostavljanje mu se ne može obaviti, a nema punomoćnika u Federaciji BiH, te bi redovan postupak oko postavljanja zakonskog zastupnika dugo trajao, pa je sud u cilju efikasnosti postupka, donio ovu odluku.

Postavljeni privremeni zastupnik zastupat će tuženog u postupku sve dok se on ili njegov punomoćnik ne pojave pred sudom, odnosno dok organ starateljstva ne obavijesti sud o postavljanju staratelja.

Broj 65 O P 388239 13 P
29. januara 2020. godine
Sarajevo

(03-3-419/20-K)